

PUO YA BOPHATLALATSI BA DITABA

KATOLOSO YA LETSATSI LA MAKGAOLAKGANG LA HO FAELWA LE DITEFO TSA EMP 201

Tshwane, 8 Phupu 2025 - Ditshebeletso tsa Lekgetho tsa Afrika Borwa (SARS) maobane di bile le methamo e hodingwana ho feta ya tlwaelo e bakileng hore mekgwatshebetso ya rona e nke nako ho arabela. Re ananela hore ba bang ba beng ba mesebetsi ba bile le ditiehisano nakong eo ba neng ba fana ka di EMP201 tsa bona tsa kgwedi ka nngwe mme ka lebaka la sena re ka se kenye dikotlo le tswala ho beng bana ba mesebetsi hobane ebang sena se ne se sa etsahala, ekabe ba ikobetse tefo ya lekgetho.”

Motjha ona wa tefo o laolwa ke dirapa tsa 2(1) le 14(2) tsa Sejule ya Bone ya Molao wa Lekgetho la Lekenno wa 58 wa 1962, o dumellang hore ho be le tefo ya Lefa ho ya ka Moputso, (PAYE) Letlole la Inshoreense ya ho se Sebetse (UIF) mmoho le Levi ya Ntshetsopee ya Boitsebello (SDL) le ho nyehelwa ha foromo ya EMP201 nakong ya matsatsi a 7 ka mora ho fela ha kgwedi moo bokaalo bona bo hutsiweng meputsong ya basebetsi.

Ho latela dintlha tsa karolo ya 3 ya Molao wa Lekgetho la Lekenno, Khomishenara ya SARS e na le matla a boikgethelo ba ho atolosa matsatsi ana a fapaneng a makgaolakgang. Phethahatsong ya matla ana a boikgethelo, Khomishenara ya SARS e atlositse letsatsi la makgaolakgang la ho faela tefo ho ba la Mantaha wa la 14 Phupu 2025.

Sena se bolela hore ka lebaka la qeto ena, SARS e keke ya kenya dikotlo le tswala ho beng ba mesebetsi ba ebang sena se ne se sa etsahala, ba ka beng ba ikobela tefo ya lekgetho.

Balefalekgetho ba kgothaletswa ho fana ka dikgutliso tsa bona tsa EMP201 pele ho la 14 Phupu ho qoba dikotlo tsa ho nyehela ka morao ho nako.

Ho fumana lesedi le fetang lena, ka kopo ikopanye le SARSMedia@sars.gov.za